

2 PITA

Pita siya ta yokwowa iikamim naingwo tibmiiyim simiiram swoki winkikin. Siya hiriyar naingwokin siya wi kimimin tani ti nu iirin wi sipi haiburgigi mi siya ta siir yaiya nikopkaigiyana sair asi boinkikin iikamim naingwo tibmiiyim simiir kinsiis haiginiuwam. Siya simiirin ti hiniina boinkikin, wari kamim niksisaeyim simiir yaayim simiiram kipi naingwo tibmii. Siya simiirin ti profet niksisaeyim simiirsi boinkwokwokikin. Siya simiirin min boinkikin, sima simiir naingwo tibmii aiirin sibgu donkworinu dimusi rani, Jisis siya wa tiri diminim siya boinim mi siya wi sipi swoki iti. Iriig.

Yokwo kwisaka aeya Pita siya winkiya

1 ¹Kara Saimon Pitakin, inkamin whisarii mi priimiriyyin Jisis Kraiis siirin, kariirin siyar nikmwun okwo haiginiugin siir yai imiir boinimauuim. Kara ta yokwowa iikamim yipiki simiir naingwo tibmiiya krimiir hiriinan komii nwowa mi yipiki ti yai kirie kibi kibiyim sim wakaeyoknam yipiki wi whiekak krimiirar whinkinsiis haiginiuwi kimiir winkika. Dimusi rani, Adi Komii siirsika krimiir dimin biyeyim Jisis Kraiis siya haiyoprimdiyumiigikim mi krimiirin ini rirmiiya siyar ywowaiginiukiyim mi ini dimin whirki kimbu karamaeyar ywowim mi ti hiriinan siyu iirsi nanmaiwarkainakin whiekak krimiirin. ²Mi kara ha naingwowi, Adi Komii siya mi Jisis Kraiis sowa hauuwi kimiirin, naingwobumbu mi nongwomamair ae wi nhami nhami hauu rani. Mi krimiir Adi Komiiyin mi Biyan Inkam Komii ikin Jisis Kraiis sowiir kirieni yipiki kima sibgu inokninkinim. Iriig.

Adi Komii siya bidi yimbiniin krima siirgisiirgim

³Adi Komii yipiki kirie komiigakin, krimiir bidi hauuwim dimin taemin whiekakim krimiir whinkinsiis haiginiuwim siirin sibgu naingwo tibmiiyim. Dimusi rani, siya nanaakninkii haiginiugin krimiirin mi krma Kraiis siir asi ninokninkini, yipiki biya krimiir nimbiniin siir dimin miyyikim simiir haiyim mi kwoin miyyikin dimin whirki kimbu kamae nwowin mi wi saikar waiyayokiyokiikaeyami. ⁴Ti hiriinan siyuin siya bidi hauuwun krimiirin siir dimin kirie miyyik miyyikim

biya siya nimbiniim krimiir mi ta hiriinan sairsika mi tariinanin wim kima ti dimin taeminim simiir kirieya saiirin wim kima wa haiburgigi, ti dimin taemin biyeyim iikamim nuanim sima tiriyim simiirin. Mi ta hiriinan sairsika mi kima wi siir dimin miyik imiir haii mi kima wi Adi Komii siir hiriinan nwowi. ⁵Mi ti hiriinan siyuin, kima kimiir naingwo tibmiiya saiirin sibgu sibgu kisisop diriraerar sibgu nwowam. Mi kira ti hiriinan tiri saiirin mi wi miinan nhami nhami kipi mirii Adi Komii siir yayim yipiki wari kimiir kwoinau nwokaiyim biya kima niki aingwo tibmiiyim simiir swoki inomkninkinamin. ⁶Mi iriipi hiriinan, iya kima ti hiriinan tiri, mi kimiir kwoin imiirar kintimtinuna mi ta hiriinan sairsika kima wi nikwokrimkrip rani mi wi dimin whirki kimbu rani mi ti iyim dimin taemin biyeki nimbiamy mi wi miini haniin nwoki miriiyim sibgu nokworinukripkaiyam. Mi wi maingmairga hiriyar nwoki okripkaiyim Adi Komii siirgisiir siyuin wa kimiir waraur nwowin siiramin. ⁷Mi iriipi hiriinan, kima ti hiriinan tiri mi kima wi kimiir nomiiyauim simiiram naingwokwonanaeiy mi simaka nomboin ii aeiy wa saiir diisiimauu simiirin. ⁸Mi ti hiriinan diminim kimiir kwoin nwokaiyim, yim ini yinkiniukikaiyim mi sima wi kimiir whinkinsiisi mi hiriinana sairsika kimiir kwoinim wi niingi niinga nwo rani. Niingaka. Saeya wi naeyar budi. Mi wim kima Biyan Inkam Komii Jisis Kraiis siirin wa sibgu inokninkini mi kimiir naingwo tibmiiya siiramin wi kirieya nwowi. ⁹Iikamim yipiki ti hiriinan dimin karamae nwowim simiir kwoinauin, yim sima ini iikamim yipiki kigimok karamae nwowiyim simiir hiriinan ywowim. Dimusi rani, sima nhwokwisaekim. Ti hiriinan iikamim sima bidi yaingwo owougiiyim Adi Komii siya haiyoprimdiyuumiigiya simiir dimin biyeyim sima tirim. Mi hiriinana sairsika tariinanin simiir kwoinim dimin whirki bi kimbukim.

¹⁰Mi ti kariir nomiiyauim iya Adi Komii siya nikiuwa kimiirim mi siya bidi yimbiniim kima siirgim, kima miinan mirii dimin miyik tiramin. Mi hiriinan sairsika ti diminin wi kimiir whinkinsiis haiginiuwi mhoyia Adi Komii siya wi kimiir nanmaiwarkainaei. Mi kima ti hiriinan dimin imiir tiri kima wi saika waiyayokiyokii siir om hir. ¹¹Mi kima ti hiriinan dimin imiir wakaeyokna api mi Adi Komii siya anowin wi kimiiramar haiwaoki mi hiriinan sairsika kima wi omin Biyan Inkam Komiiyin Jisis Kraiis siya kigriraowiyin yipiki biya naonamin kimiir whindiriraerarin mi kimiir nanmaiwarkainamin mi kima wi iinokiiinok saikar nwoyokiyokiikaeyami.

¹²Kima bidi yinokninkinim ti diminim kara boinkiyim mi kima sibgu dokworinu Adi Komii siir yayim simiir kirieni biya kima wakaeyim mi ha wakaeyokna apim mi iinokiiinokin kara kimiir boinurwokaiyim swoki aingwokwonanaei ti dimin imiir. ¹³Kara ha naingwowi yio siyu wadiekin kara kimiira boinmauu yokiyokiiyim ti dimin imiirin mi

hiriinana sairsika kima wi simiirar nwoki aingwoyokiyokiiyim iya kara ti omwaiya niki waiya tir. ¹⁴Kara ina ninokninkinin, kariir iya naowana ini kingiin nwowa. Dimusi rani, biya Jisis Kraiis krimiir Biyan Inkam Komiiyin siya boinmauugin kariirin ti dimin imiirin. ¹⁵Kara ta yokwowa minam winki mhoyiya kara naonami mi iinokiinokin sima wi kimiir whinkinsiis haiginiuwi ti dimin imiir naingwowoknakiyim. Iriig.

**Krima iikamim bidi kigim Jisis Kraiis siir dimin
kirie kirieyim paenan niuyaeyim**

¹⁶Krima iikam krimiir yidwi wanwiyaemi niwii ningam simiir biri wakaeyokna apkim biya iya krima boinmimauuim kimiir mi kimiir nanaaknkiki haiginiuwa Jisis Kraiis siir yipiki kirie komiigakin mi yipiki wi swoki iti. Niingaka, krimaki krimar kigin siir dimin kirie kirieyim paenan niuyaeyim. ¹⁷Mi Adi Komii siya siir inig iir hainanprapraski mi dimin komiiyin paenan niuyaeyim siir ywowaiginiugi. Dimusi rani, ti yai imiirsika. Krima aposel kamim bidi wakaekiyim iya siya hiniina boinkiyin, tiriginin yio kariir yinisim nwrkinwiruwan siya yipiki kara naingwokwonanaeyin ¹⁸Krimaki krimar wakaekim ti yayim Adi Komii siir om hirinki nitim. Dimusi rani, krima saika nwokim mhiuin dimin whirki kimbu karamae nwowin Adi Komii siya nwowiyin hir.

¹⁹Dimusi rani, diminim biya krimar kigim, krima ti yayim biya profet kamim sima boinmimauuim yipiki Adi Komii siir yayim sima nanaaknkiki haiginiuim simiiram naingwo tibmiikim. Mi kima ti iikamim ti yai imiir wakaeyokna api mi kima wi siyu miyik tiri. Ti Adi Komii siir yayim yipiki ti profet kamim sima boinmimauuim ini paeya maeyau niibwomambwowa sair niuyaeyi mi nugakan nauunin siya whwoyayakwokiyim kimiir niisiimauuwim bieyin ini kingiin nwowin sipi nimbinaidni. Mi ti hiriinan yayim biya profet kamim sima boinmimauuim yim ini paeya niyika krimiir niuya haiginiuwiya ini sair hiriinan ywowim Adi Komii siir yayim simiir sibgu wakaeyokna apim mi iya Jisis siya swoki itana wi sairar namwoiwi yipiki bieyin nugak nimbinaidniyakwokiyin siir hiriinan. ²⁰Mi biyin kima ti dimin taemin hiniinim pi kwaboini, simiir dinokninkin, wi nwrki siir kwoinara swoki ap rani, ti yayim krimiir kwoinawu wokaiyim yipiki biya profet kamim sima boinkiyim. Niingaka. ²¹Tikina ya kaimwoka. Dimusi rani, biya profet kamim sima dimin taeminim simiir kwoinawu wokaiyim simiir biri wakaeyokna apkim mi ti yayim Yokwo Komiiinawu ha bi winkim. Adi Komii krimiir Wanin siir naeyuin siya siyar kiyaiigin simiir kwoinim mi sima yayim Adi Komii siya boinmimauuim simiirin, ini simiirar swoki boinmimauuim. Iriig.

Dimin biyeyim yipiki niksisa kamim sima tiri ima

2 ¹Biya niksisa profet kamim Isrelan iikamim simaka nwokim. Ti iikam hiriinanim sima niti mi wi kimaka nini oni ti niksisa

yai bibiyeyim simiir hainaniyim mi ti hiriinan diminim iikam nhirim yipiki Adi Komii krimiir Wanin siir piuganiyim wi ti diminim simar nonkwobumbuninkin haiginiuwi mi sima wi digiumii Biiyan Inkam Komiiyin Kraisi yipiki biiya simiir nanmaiwarkainam naowin mi hiriinan sairsika wi kimimin tani siya simiirin wi pae komiia sair nitnoudnankaigii. ²Mi iikam whiekakim wi simiir siyu biye imiirar wakaeyokna api mi wi ha boini, yo dimin karamaeka hi hiriirar danae. Mi mhoyia iki iikam nhirim wi yai bibiyie Adi Komii siir yai imiir nigbumbuwi ti diminim ti iikam bibiyeyim sima tirim simiirsika. ³Sima niksisaee niwiiyim simiirin minim naingwowi kimiir kwoinim imiir kiyaeyam mi umir kimiir warauranki haiyam. Adi Komii siya iya ti hiriinan iikamim simiir hidana sairamar nwokin. Adi Komiiyin yipiki simiir nonkwobumbuninkinanin siya nhwo whin tani, siya ta iya simiir nonkwobumbuninkinana sairam in ii haruwa haruwa bi nwonanaekin saeya nimbiniyam in.

⁴Ti hiriinan diminim biiya Adi Komii siya tirim yim krimiirin hiniina niisiimauugim Adi Komii siya wi whisarii nwonanae rani. Adi Komi siya paekwosimim yipiki dimin biye tirim simiir bi swoki kigninkin okin saikar nwowamin. Niingaka. Siya simiirin maeyaua paekaka iikamim simiir nonkwobumbuninkinana sair hiriir yikropki mi sima ini maeyaua paekaka sair hirar niki okripkaiyim iya Adi Komii siya iikamim simiir hidana sairim. ⁵Biiya Adi Komii siya iikam biyeyim simiir biri swoki kigninkin okin ti nuin omwai siir waiyam. Siya op komii whira yikropki mi iikam whiekakim ini siyar kaiyoprindipu aokaokiyim. Inkam nwirin Noa nikuwiyin yipiki hiniina boinimauuwiyin iikam sima dimin taemin miyik imiirar daingwo tibmii, siya mi iikam iriirar is iko sima simar ywonaowid, Adi Komii siya simiir biri nisomaokin. ⁶Adi Komii siya om Sodom mi Gomora sowiir iikamim simiir bidi hidgiyim mi siya simiir om owiir hangimugi mi simiirin ini wara yunamim. Ti hiriinan diminim yim aknainan iikamim simiir niisiimauugim yipiki mhoyia omwai waiyai ti nu iir mi diminin yipiki dimin biye simiir tiriyim simiir nimbiyami. ⁷Adi Komii siya Lot siir kigriraokin inkam miyik nwirin, yipiki siir kwoinin hauugihauuga whiyeyin hinanaeni siyu biye sima tirin simiirsi mi iriipi hiriinan iikamim dimin miyikim sima tiranim sima digiumii simiir mi haimriiyugin. ⁸Inkam miyikin Lot siya iikam biyeyim simaka nwokin mi inokinokin siya dimin biyeyim sima tirim simiirar kigin mi dimin biyeyim sima mi boinim simiirar mi wakaekim mi siya haugihauga siyu biye sima tirim simiiramar whiyekin. ⁹Mi ti dimin hiriinanin krimiirin hiniina niisiimauugim Adi Komii siya ina ninokninkinin siyuin iikam miyikim simiir nanmaiwarkainainin dimin kirie kiriyim hikak nwoiyim simiir hirankin. Mi siya wi iikam biyeyim simiir naingwo owou rani, simiir tirtumbuam mi simiir nonkwobumbuninkinam mi

sima wi ta iya Adi Komii siya siir iikamim simiir hidana wi saiirsi napiyok rani. Niingaka. ¹⁰Mi Adi Komii siya ina sibgu inokninkinin mi siya wi niksisaef profet iikamim yipiki hii nanaeni siyu biyieyim simiir kwoinau nwokaiyim simiir wakaeyokna apim mi siir kitinisiinam wi simiir naingwo owou rani, simiir nonkwobumbuninkinamin mi ti yipiki iikamim, Adi Komii siir kirie imiir wakaeyokna karamae nwowiyim mi ti niksisaef profetim simiir kwoinim kirie ywowim mi sima simiir kwoin imiirar napikim mi sima yai bibiyie paekwosim imiir boinsi bi nididikim. ¹¹Adi Komii siir paekwosimim simiir kirieya komiiga ini iikam biyieyim simiir kirie aiir haiburim. Mi sima ti iikamim simiir bi boinhiuriyu boinikim Adi Komii siir whwonkam ida, simiir boinwokiyopnatkaigiyamin. Mi ti niksisaef profetim yim ini ti hiriinan siyu iirar tirkripkaiyim. ¹²Ti iikam hiriinan yim ini hu habim kwoin miyik karamaeyim mi dimin taeminim sima tiram naingwowyim sima pi hindarar priidiraerari iikamki sim haiyim mi sima nitim. Mi ti iikam hiriinan yim wi mhoyia tiodwomaii. Mi sima dimin taeminim sima ninokninkin karamae nwowiyim simiirar priiboin priiboinikim. Mi mhoyia Adi Komii siya wi simiir nonkwobumbuninkini, niimauan wraisuim iikamki sim nitkikikiniyim simiir hiriinan. ¹³Mi simiirin dimin bibiyieyim sima tirim, wi simiirsi nonkwobumbuninkin haiginiwi. Sima ha naingwowi, kinaka naeiyia ya dimin miyika mi simiir kwoinim simiir mhii imiirar mirninkinamar naingwowi, sima ini ta ma biyieya paowaigi piskimkopouim kimiir piu nonkwobumbuninkina ini saiir hiriinan ywowim mi sima simiir niksisaef siyu imiiramar maigimaigaei simiir wakaeyokna apam. ¹⁴Mi sima wig imiirar kaonanaekim iripa piu simaka nwowim mi ti hiriinanin simiir kwoinin dig saeya nwowaiginiu rani. Niingaka. Mi sima iikamim simiir kwoin imiir kiyaiigim yipiki simiir naingwo tibmiiya kirie nwo karamae nwowiyim mi ta hiriinan saiirsika sima dimin biyie asi tiri. Mi sima minam naingwoyokiyokiii siyu umir digworaekwo haiyanin yipiki iikamim simiir yai imiir wakaeyim simiir hiramki haiyim. Mi mhoyia Adi Komii siya wi ti hiriinan simiirsi nhinikriropki. ¹⁵Sima digiumii yaimwo imiir haimriyuwi mi dimin biyie imiir napi iikamim yipiki siyu miyik iir haiburgigim mi ha napwaeyamim nae hir simiir hiriinan ywowim. Sima dimin taeminim biya inkam nwirin Belam nikiuwiyin Bioni yinisimin siya tirim simiir wakaeyokna apikim. Siya umirim naingwokin iikam sima hauuwim ti dimin biyieyim siya tirim simiirsi. ¹⁶Mi siir donkiyin habwaowhaenan nwokin yai bi boinikin mi siya ini inkamnanar yomboboinin mi siya yai kirie siir boin mi siir mi ikidu dimin biyieyim siya naingwowyim kwoinau nwokaiyim simiir tirsi.

¹⁷Iikamim ti kamim simiir hiriinan yim bi whindiriraerarikim, yim aeyowieyim op karamaeyim, samsinkaigaeyamim ini simiir

hiriinan ywowim. Sima ini naoni wau komii komiiyim koua hir nakiibimbiramiyim ini simiir hiriinan ywowim, iki sima yayiim sibgu whinkinsiis haiginiuwam bointidwokiiyim mi yim sima pi dimin whirminwhirmin swoki tir tani. Adi Komii siya ta maeyaua niibwomambwonana simiiram nimbinga. ¹⁸Sima yai kirieyim yaimwo karamaeyim simiir wakaeyokna apikim, sima wi iikamim ti dimin biyeyim simiir kwoinaw nwokaiyim wi simiir kwoin imiir kiyai. Sima wi iikamim yipiki ti dimin biye imiir haiburgigim iki iikam nhirim sima niki apkripkaiyim simiir kiyai. ¹⁹Sima ti kam bibiyeyim hiniina boinikim, yio dimin karamaeka iikamim simiir kwoin imiir naingwo apamin. Mi ta hiriinan saiirsika, sima ti hiriinan iikamim yim sima wi saiir nikwowaisii rani, sima ini simiiram priimiriyan iikam ywowim mi sima yaimwoni wakaeyokna apamin dig nwo rani. Dimin whirki inkam nwirni kwoin iir kwirii idwokai mi siya ti diminin siir kwoin kwirii idwokaiyin siir swoki tiri, yio yaeya dimin biye tir tani mi siya wi ti dimin biye iir swoki haiburgig rani. Ti dimin biyeyin siya bidi yowin siir kouin mi yio siya ini whisarii mi priimiriyan inkam yowin. ²⁰Iikamim yipikim dimin biye nuan iikamim sima tiriyim simiir haiburgig. Dimusi rani, sima ina ninokninkinim mi ina naingwo tibmiiyim dimin miyikim Jisis siirim biya siya naowa krimiir dimin biye imiir haiyoprimdiyumiyim mi krimiir nanmaiwarkainaam. Mi sima dimin biyeyim simiir kwoinaw kwiri idwokaiyim ini simiirar swoki apnamim mi sima wi biyeyar nwowougusi dimin biye biya sima tirim wi simiir haiburgigi. ²¹Yio ti hiriinanin wi wadie pi yowin biya sima Adi Komii siir yai kibiyim biya inkamki boinmimauuim simiir wakae karamaekiswo mi sima bidi yasae iirgrak wakaeyim mi simiir bidi wakaeyokna apim. Mi mhoiia sima digiumii ti yai imiir haimriiyugig mi ini siyiu biye imiir swoki apnamim. ²²Ti hiriinan diminim bidi yimbiyamim yaimwowim biya profet kamim sima boinim simiir hiriinan, wain diminim siya whiekingikiyim pi simiirimar swoki ami simiir naeyimar huin inkamki hiisokiyin yipa swoki ami maeyau bropa saiir waripraparam. Ti yayiim yim krimiir niisiimauuwi ti iikam yipiki Adi Komii krimiir Wanin siir yai imiir wakaeyokna apim mi tariinanin sima digiumii siir haimriiyugigin. Iriig.

Iikamim krima ina ninokninkinim Jisis Kraisi siya wa swoki iti

3 ¹Ti kariir nomiiyauim kara naingwokwonanaeyim, takina ya yokwo kwisaka aeya kimiiram winhauugiya. Tiki yokwo imiirin kara kimiir kwoin imiir swoki hiurworwokaigi. ²Kara kimiirin minam naingwowi yayiim biya profet kam miyikim sima nanaakninkiiyim simiirim daingwo mi iripi hiriinan kima Biyan Inkam Komiiyin siir yayiim yipikin naonamin mi ha swoki insiin idwowin krimiir

nanmaiwarkainam simiir timi aingwoki, ti yaiyim siya aposel kamim krimiir boinmimaugiyim yim kimiir boinmaugikim, ti diminim nim krime kimiir swoki kwaboimmaugii. ³Kima ina ninokninkinim tiki hiriinanim bii wi sima nimbiyami iya kingiin nwowi Jisis Kraisi siya swoki itana. Iikam nhirim yipiki newaiyuwiyim yim wi simbi niti mi sima wi yai bibiyeyim bwam karamaeyim wi simiir nini boini, simiir kwoinkar naingwo apiyim. ⁴Mi sima niksise yai kimiir boini, biiya Jisis siya hiniina boinkin siya wa swoki iti mi siya papi nwowin? Yaiyim biiya krimiir yidwi wanwiyae ima boinim, bi swoki imbiyamkim ini hindara yasae okainainamim. Mi biiya iya Adi Komii siya nonkwokwowin ti nu iir siya whiuwinunan mi tisi tariinana namwoniyim, dimin taeminim ini hiriyar nwokripkaiyim. Mi ti dimin taeminim sima boinim hiniin yim wi nimbiyam tani, yim kaimwo rani. Adi Komii siya dimin kasakasa bi kisiana haiginkin. ⁵Sima ti diminim siir ninokninkinam naingwo rani. Biiya Adi Komii krimiir Wanin siya yaiyara boinkiyin mi nu ninomoro ina yimbiamwo. Adi Komii siya nuin whii komii solwara sair op imiir nonkwokwokin mi nu iirin nao siya whinkinsiisi mi yio tiriiginin iriipi hiriinan yio wi sipi mi kisinaei. ⁶Mi mhoiia Adi Komii siya ha boinkiyin mi ha mi tirkiyin op airin mi opa ini nu iirar ywomairipugiyin mi dimin taeminim ti nu iir nwowim yim ina yaokaokiyim. ⁷Mi ti nu ninomoro tariinan nwowo yo Adi Komii siir yai imar nonkworinukripkai mi mhoiia iya Adi Komii siya iikam biyeyim yipiki digiumii siir haimriyuim simiir nitkaigaigii paeya mi ti nu ninomoro yo wi warar ninkin iuwi.

⁸Ti kariir nomiiyauim kara naingwokwonanaeyim, kima ti dimin whiruwa siir kipi naingwo owou. Adi Komii siya ii kwiruwa ha naingwowikin biewi biewi kasaka rani mi biewi biewi whiekakim yim ini ii kwiruwanana yowoin. ⁹Kimiir Biiyan Inkam Komiiyin siya bi kimiminikin siir nimbinim simiir tirkiyim iki iikam nhirim sima naingwowim simiir hiriinan. Niingaka. Siya iikam whiekakim krimiiramar niki owin digiumii dimin biyie imiir haimriiyugigim mi siiram naingwo tibmiyim. Dimusi rani, siya inkam nwirkin maeyaua paekaka sair hiriir namim pi boriisopi. Siya hiniinam naingwowi, iikam whiekakim sima digiumii simiir dimin biyie imiir haimriiyugigim mi siir wakaeyokna ap. Iriig.

¹⁰Mi mhoiia iya Biiyan Inkamin siya swoki iti mi siya, siya siya niisiimauunaei wi inkamin yipikin inkam nwirni digworaekwo tauaeyam nitiyin wi siir hiriinan niti iikamim wi ninokninkin tani iya siya niti mi nhirim wi siiram nwokwokin tani. Mi iya siya nita sair mhoiia ninomora wi nhaminhami tioki rani, diyani hiniin nu mi dimin taeminim siir nwowim mi digworaekwo iikamki nonkwokwowim wa niuginhiski mi wi op nimbiyami. ¹¹Mi dimin taeminim ti nu iir nwowim

wa niuginiski mi wa digi mi wim kima iikamim wi paniina nwowi? Kimiir kwoinim wi dimin whirki kipi kimbu Adi Komii siir yai imiir ti wakaeyokna ap, ¹²mi kima ti dimin taeminim simiir ti tir ta iya saeya nitiduduwim. Iya Biyan Inkam Komiiyin siya swoki iti mi ninomora wi paeki niuwi mi wa digi mi nauun sisim mi nauun komii komiiyim wa niuginiski mi wi opnan nimbiam. ¹³Adi Komii siya bidi boinin siya wi yaeya nu ninomor nonkwokwowi mi nim krima simiirin nwowi. Iikamim yipiki biya dimin biye tirim tapairin sima wi iikamim dimin whirki kimbu karamae nwowi. Iriig.

¹⁴Ti kariir nomiiyauim kara naingwokwonanaeyim, wim kima ti dimin hiniinim ti biya kwaboingigim simiiram nwowi ninomor win mi nu win wi sowa nimbiamim mi kima miinan mirii dimin whirki niki kimbu karamae nwowim mi iriipa hiriinan dimin biye tirisi mi hiriinan sairsika Adi Komii siya kimiirin wa naingwowi dimin whirki bi kimbugin mi kima wi saika nongwomamai aei. ¹⁵Mi kima ta sair daingwo krimiir Biyan Inkam Komii siya wi nitsisau rani, iikam imiir hidamin, siya krimiirin hiniina niisimauwi siya pi boriisopi krimiir nonkwobumbuninkinamin mi siya minim naingwowi krimiir nanmaiwarkainaam. Siya ini krimiir nomiiyau miyikin Pol siir hiriinan ywowin, yipiki ti yai kibimi diminim Adi Komii siya hauuwim siir simiir winkiyim kimiirin. ¹⁶Iya Pol siya yokwowim ta iya Biyan Inkam Komii siya swoki itina sair winiyim siya dimin taeminim kara niki boinimauuwim simiirar swoki winkikim. Krima yai nhirim siir yokwonau nwokaiyim simiir sibgu inokninkin tani mi hiriinan sairsika iikam biye nhirim yipiki ninokninkin karamaeyim sima pi ti Pol siir yayim pi simiir ninkpitki niksisaeyai nwowim mi ti hiriinan siyiu kaimwowin sima iki profet kamim yipiki iki yai nhirim sima winim Adi Komiiyim pi sima mi inkipitki yai biye mi inkin owam mi hiriinan sairsika sima wi sima sima mi turbumbunaei ti diminim sima tirim.

¹⁷Mi ti kariir nomiiyauim kara naingwokwonanaeyim ta hiriinan sairsika kima ina ninokninkinim ti dimin imiirin. Kima, kimasiyar mintaraona mi ti hiriinan sairsika kima wi dimin biye tir tani iki iikamim yipiki Adi Komii siir wakaeyokna ap karamae nwoyiyim sima tiriyim wi simiir tir tani mi hiriinan sairsika kima wi Adi Komii krimiir Wanin siir yai kibiyim wi simiir halburgik rani. Sima wi kimiir kinsis haiginiuwi yinin omaka nonkworinuwiyin siir hiriinan. ¹⁸Mi kima Biyan Inkam Komiiyin Jisis Kraisiir naingwobumbua sair sibgu o, yipiki biya naowin kimiirin siyar niki whindiriraerarim mi nanmaiwarkainaam. Mi tariinanin kima siirin kipiii ninokninkin tani mi mhoyiya kima siirin wa sibgu inokninkini. Kara ha naingwowi siya inig komiigak dwo tariinan mi mhoyiya mhoyiya iriipa hiriinan. Iriig.